

植物名實圖考

植物名實圖考卷之三十四

固始吳其濬著

蒙自陸應毅校刊

木類

雲葉

黃棟樹

稭芽樹

月芽樹

回回醋

白槿樹

槭樹芽

老葉兒樹

龍柏芽

兜櫨樹

卽榉

山茶科

木葛

花楸樹

白辛樹

烏稜樹

刺楸樹

黃絲藤

山格刺樹

筩樹

報馬樹

檜樹

臭蕨

堅莢樹

臭竹樹

馬魚兒條


老婆布鞋

青舍子條

驢駝布袋

婆婆枕頭

青檀樹



雲葉

救荒本草雲葉生密縣山野中其樹枝葉皆類桑但其葉如雲頭花又似木欒樹葉微闊開細青黃花其葉味微苦採嫩葉焯熟換水浸淘去苦味油鹽調食或蒸晒作茶尤佳



黃棟樹

救荒本草黃棟樹生鄭州南山野中葉似初生椿樹葉而極小  
又似棟葉色微帶黃開花紫赤色結子如豌豆大生青熟亦紫  
赤色葉味苦採嫩芽葉焯熟換水浸去苦味油鹽調食蒸芽曝  
乾亦可作茶煮飲



植物名實圖考

穉芽樹

木類卷之三十四



稭芽樹

救荒本草稭芽樹生輝縣山野中科條似槐條葉似冬青葉微  
長開白花結青白子其葉味甜採嫩葉燂熟水淘淨油鹽調食



月芽樹

救荒本草月芽樹又名芴芽生田野中莖似槐條葉似歪頭菜  
葉微短稍硬又似稭芽葉頗長觔其葉兩兩對生味甘微苦採  
嫩葉焯熟水浸淘淨油鹽調食




回回醋

救荒本草回回醋一名淋樸檉生密縣韶華山山野中樹高丈餘葉似兜欏樹葉而厚大邊有大鋸齒又似厚樗葉而亦大或三葉或五葉排生一莖開白花結子大如豌豆熟則紅紫色味酸葉味微酸採葉燂熟水浸去酸味淘淨油鹽調食其子調和湯味如醋

白槿樹


木



白欖樹


救荒本草白欖樹生密縣梁家衝山谷中樹高五七尺葉似茶葉而其闊大光潤又似初生青岡葉而無花又似山格刺樹葉亦大開白花其葉味苦採葉燂熟水浸淘淨油鹽調食





槭樹芽

救荒本草槭樹芽生鈞州風谷頂山谷間木高一二丈其葉狀類野蘿蔔葉五花尖又亦似棉花葉而薄小又似絲瓜葉卻甚小而淡黃綠色開白花葉味甜採葉燂熟以水浸作成黃色換水淘淨油鹽調食按說文槭木可作大車輹蓋卽此樹許叔重汝南人固應識其土所宜木也



老葉兒樹

救荒本草老葉兒樹生密縣山野中樹高六七尺葉似茶葉而窄瘦尖梢又似李子葉而長其葉味甘微澀採葉燂熟水浸去澀味淘洗油鹽調食



龍柏芽

救荒本草龍柏芽出南陽府馬鞍山中此木久則亦大葉似初生椽櫟小葉而短味微苦採芽葉煤熟換水浸淘淨油鹽調食



兜櫨樹 卽櫨

救荒本草兜櫨樹生密縣梁家衝山谷中樹甚高大其木枯朽  
極透可作香焚俗名櫨香葉似回回醋樹葉而薄窄又似花楸  
樹葉卻少花又葉皆對生味苦採嫩芽葉燂熟水浸去苦味淘  
洗淨油鹽調食 按本草綱目櫨香江淮湖嶺山中有之木大  
者近丈許小者多被樵采葉青而長有鋸齒狀如小蘇葉而香  
對節生其根狀如枸杞根而大煨之甚香楞嚴經云壇前安一  
小鑪以兜婁婆香煎水沐浴卽此香也根氣味苦澀平無毒主  
治頭癰腫毒碾末麻脂調塗七日腐落





山茶科

救荒本草山茶科生中牟土山田野中科條高四五尺枝梗灰  
白色葉似阜茨葉而團又似槐葉亦團四五葉攢一處葉甚稠  
密味苦採嫩葉煤熟水淘洗淨油鹽調食

本草綱目卷之二十四

木葛

生

木類卷之三十四



木葛

救荒本草木葛生新鄭縣山野中樹高丈餘枝似杏枝葉似杏  
葉而團又似葛根葉而小味微甜採葉燂熟水浸淘淨油鹽調  
食



花楸樹

救荒本草花楸樹生密縣山野中其樹高大葉似回回醋葉微薄又似兜欏樹葉邊有鋸齒又其葉味苦採嫩芽葉燂熟換水浸去苦味淘洗淨油鹽調食



白辛樹

救荒本草白辛樹生滎陽塔兒山岡野間樹高丈許葉似青檀樹葉頗長而薄色微淡綠又似月芽樹葉而大色亦差淡其葉味甘微澀採葉煤熟水浸淘去澀味油鹽調食



烏棱樹



烏棱樹

救荒本草烏棱樹生密縣梁家衝山谷中樹高丈餘葉似省沽油樹葉而背白又似老婆布鞞葉微小而筋開白花結子如梧桐子大生青熟則烏黑其葉味苦採葉燂熟換水浸去苦味作邊淘洗淨油鹽調食



刺楸樹

救荒本草刺楸樹生密縣山谷中其樹高大色皮蒼白上有黃  
白斑文枝梗間多有大刺葉似楸葉而薄味甘採嫩芽葉燂熟  
水浸淘洗淨油鹽調食



黃絲藤

救荒本草黃絲藤生輝縣太行山山谷中條類葛條葉似山格刺葉而小又似婆婆枕頭葉頗硬背微白邊有細鋸齒味甜採葉燂熟水浸淘淨油鹽調食



山格刺樹

救荒本草山格刺樹生密縣韶華山山野中作科條生葉似白  
槿樹葉頗短而尖觜又似茶樹葉而闊大及似老婆布鞋葉亦  
大味甘採葉燂熟水浸作成黃色淘洗淨油鹽調食



統樹



箠樹

救荒本草箠樹生輝縣太行山山谷中其樹高丈餘葉似槐葉而大卻頗軟薄又似檀樹葉而薄小開淡紅色花結子如菜豆大熟則黃茶褐色其葉味甜採葉燂熟水浸淘淨油鹽調食

報馬樹



報馬樹

救荒本草報馬樹生輝縣太行山山谷間枝條似桑條色葉似青檀葉而大邊有花文又似白卒葉頗大而長硬葉味甜採嫩葉燂熟水淘淨油鹽調食硬葉燂熟水浸作成黃色淘去涎沫油鹽調食

楸樹

庄

木類卷之三十四



椴樹

救荒本草椴樹生輝縣太行山山谷間樹甚高大其木細膩可  
爲卓器枝又對生葉似木槿葉而長大微薄色頗淡綠皆作五  
花極又邊有鋸齒開黃花結子如豆粒大色青白葉味苦採嫩  
葉燂熟水浸去苦味淘洗淨油鹽調食 爾雅正義椴樹註白  
椴也樹似白楊正義椴一名椴檀弓云椴棺一鄭註云所謂椴  
棺也凡棺因能溼之物又云椴謂椴棺椴堅著之言也鄭君所  
見爾雅本椴作椴註白椴至白楊正義玉篇云椴木似白楊釋  
文引字林云木似白楊一名椴今白楊木高大葉圓似梨面青

而背白肌細性堅用爲梁椽久而不撓椴木與白楊相似也

按椴木質白而少文微似楊木風雨燥濕不易其性北方以作門扇板壁其樹枝葉不似白楊

說文解字注椴椴木可作牀几牀錯本作伏疑誤釋木曰椴椴本草陶隱居說人參曰高麗人作人參讚曰三椴五葉背陽向陰欲來求我椴樹相尋椴樹葉似桐甚大陰廣圖經亦言人參春生苗多於深山背陰近椴漆下潤溼處是則椴爲大木故材可牀几郭云子大如孟者未知是不也從木段聲讀若賈古雅

切五部






臭蕪

三

木類卷之三十四



臭蕻

救荒本草臭蕻生密縣楊家衝山谷中科條高四五尺葉似杵瓜葉而尖縮又似金銀花葉亦尖縮五葉攢生如一葉開花白色其葉味甜採葉焯熟水浸淘淨油鹽調食



堅莢樹

救荒本草堅莢樹生輝縣太行山山谷中其樹枝幹堅勁可以作棒皮色烏黑對分枝叉葉亦對生葉似拐棗葉而大微薄其色淡綠又似土欒樹葉極大而光潤開黃花結小紅子其葉味苦採嫩葉燂熟水浸去苦味淘淨油鹽調食



臭竹樹

救荒本草臭竹樹生輝縣太行山山野中樹甚高大葉似楸葉而厚頗銷卻少花又似拐棗葉亦大其葉面青背白味甜採葉燂熟水浸去邪臭氣味油鹽調食


馬魚兒條



馬魚兒條

救荒本草馬魚兒條俗名山阜角生荒野中葉似初生刺藤花  
葉而小枝梗色紅有刺似棘鍼微小葉味甘微酸採葉燂熟水  
浸淘淨油鹽調食





老婆布鞋

救荒本草老婆布鞋生鈞州風谷頂山野間科條淡蒼黃色葉似匙頭樣色嫩綠而光俊又似山格刺葉卻小味甘性平採葉燂熟水浸作過淘淨油鹽調食

青舍子條

三

木類卷之三十四




青舍子條

救荒本草青舍子條生密縣山谷間科條微帶柿黃色葉似胡  
枝子葉而光俊微尖枝條梢間開淡粉紫花結子似枸杞子微  
小生則青而後變紅熟則紫黑色味甜採摘其子紫熟者食之



驢駝布袋


救荒本草驢駝布袋生鄭州沙岡間科條高四五尺枝梗微帶赤黃色葉似郁李子葉頗大而光又似省沽油葉而尖頗齊其葉對生開花色白結子如菘豆大兩兩並生熟則色紅味甜採紅熟子食之



婆婆枕頭

救荒本草婆婆枕頭生鈞州密縣山坡中科條高三四尺葉似櫻桃葉而長鋸開黃花結子如菘豆大生則青熟紅色味甜採熟紅子食之





青檀樹

救荒本草青檀樹生中牟南沙崗間其樹枝條紋細薄葉形類棗微尖觜背白而澀又似白辛樹葉微小開白花結青子如梧桐子大葉味酸澀實味甘酸採葉燂熟水浸淘去酸味油鹽調食其實成熟亦可摘食